



Eth Conselh signe un convèni damb eth diari Avui per ueit milions de pessetes tà editar ua seccion deth diari en aranés.

Iniciativa interessanta se respon a critèris democratics e non ara utilizacion partidista de quauqui mieis de comunicaci6n, com en aguest moment se practique des deth Conselh Generau, metent en perilh es n6rmes mès elementaus de pluralitat informatiua. Son moltes es veus que se lhèuen contra era manipulacion des mieis tuteladi per CDC des deth poder qu'ostente. Era darrèra a estat era deth Secretari Generau de Esquèrra Republicana, Josep Lluís Carod Rovira, qu'a comparat es informatius de TV3 damb eth "Nodo" franquiste. Serie positiu qu'eth S.Carod se passegèsse per Aran tà acabar de descobrir era "ferom" manipuladora. Aguesta naua iniciativa en paraules deth director deth diari AVUI a d'èster plurau e non cau dubtar deth bon trebalh qu'aquiu poderie hèr era persona responsabla dera edicion, s'era gana politica des s6ns dirèctes superiors l'ac permet. Tà començar, veiram tà quan era prumèra entrevista as membres de d'auetes f6rces politiqes, de moment auem vist ath Sindic e ath president dera Associacion de Ramadèrs...

Boss6st comence er estudi nau damb polemica. Aguest estudi se bastís en un terren adquirít a un membre der ajuntament sense concors prèvi, çò qu'en dret administratiu se considèra prevaricacion e sus es fonaments de çò qu'en ua penosa mani6bra electorau auie d'estar parc de pompièrs. Auer eth

parc ei bastit ena doana deth Portilhon atau e com en s6n dia defensèc UA des deth Conselh Generau tot portant a tèrme totes es gestions de besonh deuant eth govèrn centrau e damb era totau collaboracion der alavetz Governador dera província S. Jordi Carbonell.

Eth Parlament de Catalonha veirà eth dia 26 de març era iniciativa de UA tar otorgament des bèques a mainatges pirenencs.

Aguesta iniciativa presentada peth deputat Joan Ganyet deth PSC recuelh ua volentat qu'aurie de hèr justícia damb ua situacion qu'atente contra es drets des aranesi e des pirenencs, e contra eth principi d'igualtat d'oportunitats. Ar igual que passe en França e d'aueti païsi europèus. UA reclame ajudes tà compensar es despenses que an d'afrontar es families damb hilhs que v6len corsar estudis superiors e per rasons geografiques son aluenhades des centres a on poder hèc. Aguesti c6sti que p6den superar eth milion de pessetes anuau de mieja per mainatge sup6sen ua despensa que non an es que viuen apr6p d'aguesti centres e per tant ua evidentia injustícia tà toti aqueri qu'an de deishar d'estudiar per manca de recorsi.

Tà illustrar aguesta justa demana p6t servir er exemple de quaquia família aranesa que damb dus mainatges en edats e nivèus d'estudi tanben similars, an un c6st mensuau totau de quinze mil pessetes en França, deuant des ueitanta mil de Lhèida.